

TRANSVMP TVM

PUBLICVM, INCORPORATIONIS REGII, PRIVILEGII DONATIONIS Castrorum, & Locorum de Robres, de Grañen, de Aguero, & de Pompian, pro Aldeis Villæ de Sariñena factæ, & concessæ per Serenissimum Dominum Petrum Regem Aragonum.

IN DEI NOMINE. NOVERINT VNIVERSI, quod anno à Natiuitate Domini millesimo, quingentesimo, octuagesimo, septimo, die verò decimo tertio, mensis Maij, apud Ciuitatem Cæsaraugustæ Regni Aragonum, & in aula superiori domorum Dipputationis, vbi Curia Domini Iustitiæ Aragonum, solita est celebrari, & hora celebrationis eiusdem, coram Illustri Domino Martino Batista de la Nuza, Iurisperito Locumtenente admodum; Illustrissimi Domini Dō Ioannis de la Nuza, & de Perellos, Militis Domini nostri Regis Cōsiliarij, ac Iustitiæ Aragonum in iudicio pro Tribunali sedente, & causas publice, & more solito audiēte, & celebrante, existente multitudine Procuratorum, & aliarū personarum, præsentibus me Notario dictæ Curia, & testibus infrascriptis, comparuit personaliter constitutus. Discretus Martinus de Lanaja, Notarius causidicus Cæsaraugustanus, vt Procurator, & eo nomine Iustitiæ, Iuratorum, Concilij, & Vniuersitatis, & singularum personarum, vicinorum, & habitatorum Villæ de Sariñena, conciliariter, vniuersaliter, particulariter, & tam coniunctim, quàm diuisim, & dicto nomine produxit, ac exhibuit, seu fidem fecit in iudicio, & coram dicto Domino Locumtenente de quodam, originali Regio priuilegio dona-

2
donationis Castrorum, & Locorum de Robres, de Gra-
ñen, de Aguero, & de Pompian, aliter vocati de Grañen
pro Aldeis dictæ Villæ Sariñenæ, eidem Villæ factæ, &
concessæ per Serenissimum Dominum Petrum Regem
Aragonum, necnon incorporationis prædictæ Villæ, &
eius Aldearum, ac etiam prædictorum Castrorum, & Lo-
corum pro Aldeis, eidem concessorum, per eundem Do-
minum Regem Petrum, ad Regiam Coronam factæ, &
concessio dictis principalibus, dicti Procuratoris parga-
meno scripto, & per dictum Dominum Regem Ioannē,
& alios de suo Consilio firmato, ac sigillo Regio in pen-
denti sigillato, & more debito expedito, non viciato, can-
cellato, nec in aliqua sui parte suspecto, sed omni vitio,
& suspicionē carente, originaliter, & in sui prima figu-
ra, cuius tenor de verbo, ad verbum talis est. NOS Pe-
trus Dei gratia, Rex Aragonum, Valentia, Maioricarum,
Sardinia, & Corsica, Comesq; Barchinonensis, Rossilionis,
& Ceritanæ, quod præteritorum memoria, quæ proba-
bilem rationem solent inducere de futuris cedula cogi-
tante, quanta dispendia, quantaque perniciose discrimi-
na Regnis in se diuisis consuevit in generalia scisma, vel
sectio desolatoria, quod tota Respublica Regnorum, &
terrarum, quibus auctore Domino possidemus in multis,
ab olim præsens inerat huc omnino defensionum iacula
non euasit, tanto, pro inde salubrius super ijs tenemur, fu-
turis præcauere periculis, & nostris, nostrorumque, fide-
lium obuiare dissidijs, quanto longè melius, atque per fe-
licius regalis Maiestas, potentius imperat, & quietius se
suosque gubernat, cum multorum Locorum insignium
robore circumfusa, eiusdem civilis potentia permanet
indiuisa igitur. Attendentes qualiter Villa de Sariñena,
cum suis Aldeis intra Regnum Aragonum situata nota-
bilis est, & insignis, & in tali situ posita, quod non parum
expedit, imò necessarium imminet nostræ Coronæ Re-
gia, rei que publicè Regni nostri, vt ipsa Villa, & eius Al-
deæ

deæ à nostra Corona Regia, nullo vnquam tempore se-
parentur fatentes, & recognoscentes vobis Iuratis, &
probis hominibus dictæ Villæ de Sariñena, & eius Aldea-
rum, quod vos diuersis annis, vicibus, & temporibus, &
vsque ad præsens tempus, quo res habuit, seu est in articu-
lo habendi effectum, propter magnam affectionem, &
desiderium, quam, & quod habebatis, & habetis, vt sub
nostro effectis immediate dominio laboratis, & cū mag-
na sollicitudine, & diligentia vacastis, seu intendistis, non
sine magnis vestris sumptibus, & expensis circa emptio-
nem, per vos faciendam certo modo de dictis Villa, &
eius Aldeis, quas tenebat, & tenet impignoratas a nobis
hæres nobilis quondam Petri de Luna, videlicet pro ter-
decem mille libris Barchinone, ex altera, & ipsam emp-
tionem vos fecistis, seu facere conuenistis, & tenemini
pro maiori parte de vestro proprio nobis remanentibus,
in eisdem Villa, & Aldeis iurisdictione omnimoda, &
emolumentis eiusdem, necnon hoste, & caualcata coena
& domi, ac pro fertis quando solet pro generali dicti Reg-
ni, videlicet quod tunc, & non aliàs, vos in eis soluere, &
contribuere habebatis, vnde vobis ad gratiarum actio-
nes tenemur, & ad prosequendum vos fauoribus, & gra-
tius opportunis in qua siquidem emptione, seu propter
eandem fuerunt inter nos, & vos inita certa capitula, &
per nos firmata, & iurata, vigore quorum vobis tenemur
vendere Castra, & Loca de Robres, de Grañen, & de
Aguero, & de Pompien, cum eorum terminis, & iuribus
vniuersis, ipsaque Loca, & Castra vnire, ac incorporare
dictæ Villæ, & Aldeis prædictis sic, quod perpetuo sint Aldeæ
dictæ Villæ, & vigore quorum, priuilegium vobis tene-
mur facere infra scriptum. Idcirco tenore præsentis char-
tæ nostræ, seu priuilegij cūctis temporibus valituri, tam
proprio motu, quam respectu subsidij, & auxilij nobis
præstiti per vos probos homines, & Vniuersitatem dicta-
rum Villæ, & Aldearum, seu præstandi in emendo Villā
ipsam,

4
ipsam, & eius Aldeas ab hærede dicti quondam nobilis
Petri de Luna, seu eius tutore, qui ipsam Villam, & eius
Aldeas pro dictis quantitatibus à nobis tenebat, cum vni
uersis redditibus, & iuribus suis pignore obligatas ratio
ne, cuius quidem emptionis nos iurisdictionem, & alia
iura in prædictis Capitulis exprefata adquiſuimus, seu ad
quirere debemus, & nostro dominio sunt adquiſita, &
aplicata, seu debent adquiri, & applicari per nos, & omnes
hæredes, & ſucceſſores nostros, volumus, & concedimus
perpetuo, atque promittimus in bona fide nostra Regia
vobis fidelibus nostris Iuſtitia, Iuratis, & probis homini
bus Vniuerſitatis dictæ Villæ de Sariñena, & eius Aldea
rum licet absentibus, tanquam præſentibus, & nos in
ſcripto pro vobis, & omnibus illis quorum intereſt, &
intererit, ac poterit intereſſe hæc a nobis legitimè ſtipu
lanti, paſcimenti, & recipienti, ac iuramus per Dominum
Deum, & eius ſancta quatuor Euangelia Corporaliter à
nobis tacta, quod dicta Villa de Sariñena, & eius Aldeæ
quando per vos emptæ fuerint, & à nobis oblata, & do
nata, & dicta Loca, & Caſtra de Robres, de Grañen, de
Aguero, & de Pompian aliter vocati de Grañen, que Al
deas Villæ de Sariñena eſſe volumus, & concedimus per
petuo cum ſuis terminis, vel territorijs, Parrochijs, vel
alcarcijs, aut aliquam partem ipſarum generaliter, vel
ſpecialiter nunquam ſeparabimus, diuidemus, ſegrega
bimus, nec alienabimus in filium, ſeu filios, vxorem, nec
aliquam aliam perſonam, vel perſonas mundi, Eccleſiaſ
ticas, vel ſæculares nobis propinquas, vel extraneas per
modum, ſeu viam, donationis, infeudationis, venditio
nis, impignorationis, vel permutationis, aut per modum
de rehenes, nec quouis alterius generis, alienationis quo
cumque modo poſſit dici, vel exprimi ad in perpetuum,
vel ad tempus, quacumque de cauſa, etiam ſi extrema ne
ceſſitas nobis, & nostris, & Coronæ noſtræ Regiæ Ara
gonum eſſet, vel cenſeretur, vel vtilitas diceretur, qui
imò,

imò, & nunc pro tunc, è conuerso volumus, & decernimus, ac legem pactionatam, & incommutabilem, ac perpetuum facimus, quod Villa ipsa, & eius Aldeæ, necnon dicta Castra, & Loca superius expressata, quæ pro Aldeis ipsæ Villæ de Sariñena damus, & concedimus perpetuo cum omnibus suis alcarcijs, terminis, & territorijs iurisdictione sua alta, & baxa, ac omnimoda integritate eorundem remaneat, & sint vnitæ perpetuo, & incommutabiliter Coronæ Regiæ Aragonum pariter, & affixe, & nunc de præsentem easdem affiximus, vnimus, & incorporamus, & vinculo indisolubili acnectimus Coronæ nostræ Regiæ suprædictæ sic, quod deinde facta dicta reintegratione Villa ipsa, & eius Aldeæ, ac dicta Castra, & Loca, quæ pro Aldeis ipse Villæ damus, & concedimus, vt est dictum, sint perpetuo membrum Coronæ Regiæ licet dictæ Aragoniæ, & ante vti mēbrum notabile ab ipsa Corona & Regno, tâquam à suo corpore nequaquam valeat separari, per diem, horam, videlicet nec momentum, sicut nec potest membrum à suo corpore, absque læsione, & de formatione ipsius vllatenus seggregari, sed quicumq; omni tempore fuerit Rex Aragonum, & nullus alius sit Dominus dictarum Villæ, & Aldearum, & Castrorum, & Locorum prædictorum, quæ de cætero perpetuo Aldeæ dictæ Villæ sicut aliæ, quas semper habuit Villa ipsa sint, & nominentur, & si per nos, vel aliquos successores nostros, scienter, vel ignoranter contrarium fieret, vel tentaretur de facto, cum de iure non possit, illud ipso facto, ex nunc, pro tunc, & è conuerso irritū decernimus, & habere volumus penitus, & inane, tanquam factam, & attentatum contra ius, & legem pactionatam, & proprium iuramentum, & in dispendium salutis æternæ nostræ, & ipsorum successorum nostrorum, & in præiudicium etiam, & iacturam dictæ Coronæ, & dicti Regni nostri, & vestri dictæ Vniuersitatis, & proborum hominum dictæ Villæ, & eius Aldearum, tam anti-

quarum, quàm aliarum, quas nunc ipse Villæ, vt est di-
 ctum superius concedimus, & donamus, quibus ius est
 quæsitum in consistentia, & conuentione perpetua ipsius
 Villæ, & Aldearum cum Regia Corona nostra, & indi-
 uisibili vnitare, cui iure nunquam derogari volumus ali-
 qua via nunc, nec aliqua causa cogitata, vel non cogitata
 etiam si diceremus, aut offerremus, nos vestrum soluere
 interesse nos enim expresè, & ex certa scientia quascum-
 que leges, & iura Canonica, vel cibilia, & etiam municipa-
 lialia quibus permissum sit, aut indultum certis casibus,
 vel certis rationibus donationem, vel alienationem fieri
 posse per Reges, aut Principes, seu quasuis alias personas
 de Ciuitatibus, Villis, Castris, seu Locis non obstante pri-
 uilegio in contrarium inde facto, quoad hæc irritas, &
 nostræ Regiæ plenitudine potestatis, esse decernimus, in-
 ualidas penitus, & inanes, ac carere viribus omnibus,
 & effectu, & eisdem, ex nunc pro tunc, & è conuerso re-
 nuntiamus, & pro renuntiatis, & casis haberi volumus, &
 iubemus, & præsentem legem pactionatam, dictis iuri-
 bus contrarijs, volumus, & decernimus præualere illa
 vniuersa iura, quæ dictis iuribus cōtrarijs suffragari pos-
 sint. Et dictæ plenitudine potestatis ipsi legi pactionatæ to-
 taliter applicantes, & volumus, ac vobis dictis Iustitiæ,
 Iuratis, ac probis hominibus dictæ Villæ, & eius Aldea-
 rum præsentibus, & qui pro tempore fuerint concedi-
 mus, & elargimur, plenariam facultatem in casu, quo præ-
 missorum contrarium fieret, illi cui foret inde facta do-
 natio cessio, venditio, permutatio, aut quæuis alia aliena-
 tio de præmissis, necnon etiam cuiuis a nobis potesta-
 tem habenti traddendi possessionem, de iisdem, seu ius-
 sis, & mandatis ipsius, vel ipsorum teneamini minime
 obedire, imò potius contradicere, & resistere cum armis,
 & siue totis viribus valeatis, etiam si esset, noster Guber-
 nator Regni Aragoniæ, aut eius vices gerens, vel aulius,
 seu alij, pro nobis tanquam personæ extraneæ, & cui
 non

non essetis in aliquo obligati, & si propter dictam con-
tradictionem, vel resistantiam in personis alicuius, vel
aliquorum, damna, necesse, aut vulnera inde fuerint subse-
quuta, quæ per vos illata, vel perpetrata dicerentur de ip-
sis nobis, vel correctioni, aut prognitioni alicui teneami-
ni nullo modo, nec vobis possint infamia aliqua deno-
tari, nec pugnatio infligi. Imò nunc, pro tunc, & è con-
uerso, sitis de ipsis absoluti, quitij perpetuo, & immunes
vobis, tamen dictam Villã, & eius Aldeas, tam antiquas,
quàm nouas, cum territorijs, iurisdictione, terminis, &
iuribus ipsarum nobis, & dictæ Coronæ nostræ Regiæ
præseruantibus, vt nunc sunt tanquam naturali, & dire-
cto Domino earundem, & hæc omnia, & singula per
nos, & omnes successores nostros volumus, & concedi-
mus perpetuo, atq; promittimus sub virtute superius præsti-
ti per nos iuramenti, tenere, attendere, & seruare irrefra-
gabiliter, & teneri, & obseruari facere, & contra non ve-
nire, seu facere aliquo iure, causa, seu etiam ratione, obli-
gantes inclytum, & Magnificum Infantem Ioannẽ Pri-
mogenitum nostrum charissimum, ac in vniuersis Reg-
nis, & terris nostris generalem Gubernatorem, Ducem
Comitemque Ceruarię, & vniuersalem hæredem,
& successorem nostrum, & quoscumque alios successo-
res nostros, & suos sub paternæ benedictionis obtentu
ad obseruantiam omnium præmissorum, & hic conten-
torum pro solidantia ^{nostra} perpetuæ vnitatis, quæ per
eosdem laudari iubemus, ac corporali iuramento robo-
rari præmissa igitur omnia, & singula in præsentì Curia,
qua nunc Aragonen. celebramus in Ciuitate Cæsaraug-
ustæ, & de ipsius Curia approbatione, ac consensu, vo-
lumus, conuelimus, promittimus, conuenimus, & pacif-
cimur, in bona fide nostra Regia, & sub Religione supe-
rius præstiti iuramenti, per nos, & omnes hæredes, & suc-
cessores nostros, vobis dictis Iustitiæ, & Iuratis probis
hominibus, & Vniuersitati dictæ Villæ de Sariñena, &
eius

eius Aldearum, tam antiquarum, quam nouarum, & singulis in presentibus, & futuris, & Notario infrascripto pro vobis, & omnibus illis quorum interest, & interit, ac poterit interesse a nobis legitime stipulanti, pacisfienti, ac etiam recipienti, eis melioribus, & vtilioribus vijs modis, & formis, quibus possit intelligi, dici, & ex cogitari ad obseruantiam premissorum, omni fraude sublata, & absque aliqua conditione, & retemptione, quam non facimus in eisdem, in cuius rei testimonium presens instrumentum publicum fieri, & Bulla nostra plumbea pendentem iussimus communiri. Datt. & alias in domo Refitorij Monasterij Prædicatorum Cæsaraugustæ, vbi per ipsum Dominum Regem generalis Curia Aragonensibus celebrabatur, & ipsa Curia approbante die veneris nona Aprilis, anno à Natiuitate Domini millesimo tricentesimo septuagesimo secundo, regni que ipsius Domini Regis tricesimo septimo. SIG ✠ N V M Petri Dei gratia, Regis Aragonum, Valentia, Maioricarum, Sardinia, & Corsicæ, Comesque Barchinonis, Rosilionis, & Ceritania, qui hæc laudamus, firmamus, concedimus, & iuramus *Rex Petrus*. Testes huius rei sunt ultra illos de dicta Curia generali, qui erant ibi presentes, tam Prælati, & personæ Ecclesiasticæ, quam alij homines, & varones, ac militis, & sindici Capitulorum, & Vniuersitatum regalium. Iordanus Petri Durries gerens Vices Gubernatoris generalis in Regno Aragonum, Dominicus Cerdan Iustitia, Dominicus Luppisames Baiulus generalis dicti Regni, Berégarius Denpullo Camarlengus, Illustrissimæ Dominæ Regina, Emmanuel de Tenza Miles, ac Bertrandus de Vallosegun Doctor promotor Curia Regia, & Regens Cancellariam ipsius Domini Regis. SIG ✠ N V M mei Iacobi Conessa Protonotario dicti Domini Regis, eiusque auctoritate Notarij publici per totam terram, & dominationem, qui premissis interfui, eaque de ipsius Domini Regis mandato, scribi, feci, & clau-

9
& clausi, & corrigitur in linea xxxviij. teneamini. Dominus Rex mandauit mihi Iacobo Conessa P. R. quod quidem priuilegio, seu charta Regia sic per dictum Martinum de Lanaja Procuratorem prædictum originaliter exhibito fide facto, & inserto, idem Procurator dixit: Quod cum dicti eius principales vellint, & intendat se iuuare de dicto suprainserto originali Regio priuilegio in diuersis partibus, & Locis, tam intra, quam extra præsens Regnum Aragonum, & coram diuersis Iudiciis, & personis Ecclesiasticis, & sæcularibus, & sit inualide periculosum, dictum originale Regium priuilegiũ desuper insertum ducere, & portare propter inundationes aquarum, & alia viarum pericula, & discrimina, quæ eueniri possunt; ideo dictus Procurator supplicauit, & requisit dictum Dominum Locumtenentem dicti Domini Iustitiæ Aragonum, quatenus dictum Regium priuilegium desuper insertum in libro, seu registro actuum communium, & emparamentorum dictæ Curie Domini Iustitiæ Aragonum inseri, & registrari mandaret per me Notarium dictæ causæ infra scriptum, & de eodem registro, & priuilegio Regio suprainserto, transumptum, autenticum, signatum, & sigillatum in firma fieri, & expediri mandaret, dictumque transumptum autorizaret, & suam auctoritatem, & decretum iudiciale daret, & imponeret, & sigillo dictæ Curie sigillari mandaret, vt eodem transumptum fides plena ab omnibus vbique tam in iudicio, quam extra adhibeatur, tanquam dicto met originali Regio priuilegio desuper inserto, & dictus Dominus Locumtenens dicti Domini Iustitiæ Aragonum, auditis prædictis per dictum Procuratorem fieri supplicatis, & requisitis visoque, & inspecto dicto desuper inserto originali, Regio priuilegio, non vitiato, cancellato, nec suspecto integro omni vitio, & suspicionem carente, illud per me dictum Notarium infra scriptum in dicto libro, seu registro, actuum communium, & em-

paramentorum dictæ Curia Domini Iustitiæ Aragonum inseri, & registrari mandavit, & de eodem Regio privilegio instrumentum publicum, & autenticum transumptui fieri, & expediri iussit, & sigillo dictæ Curia sigillari, & eidem transumptui suam auctoritatem, & decretum iudiciale interposui ius his verbis. NOS Martinus Batista de la Nuz a Iurisperitus Locumtenens dicti Domini Iustitiæ Aragonum in iudicio pro Tribunali sedens, vissa, & intellecta supplicatione, & petitione per dictum Procuratorem nobis facta, & dicto originali Regio privilegio desuper inserto, & per dictum Procuratorem exhibito, non vitiato, nec suspecto, omni vicio, & suspicionem carente, illud in dicto libro, seu registro dictæ Curia dicti Domini Iustitiæ Aragonum per dictum Notarium eiusdem Curia inseri, registrari, & apponi mandamus, & de eodem transumptum autenticum fieri iubemus signatum, sigilloque dictæ Curia in forma sigillari mandamus, eidemque transumptui nostram, auctoritatem, & decretum iudiciale imponimus volens, & decernens eidem transumptui ab omnibus in iudicio, & extra fides plenaria adhibeatur, tanquam dicto met originali Regio privilegio, desuper inserto, quod fuit acceptatum per dictum Procuratorem, qui requisivit per dictum Notarium dictæ Curia infrascriptum fieri, & confici publicum instrumentum, & instrumenta, vnum, & plura, & tot quot inde essent necessaria, & opportuna, quæ fuerunt facta dictis die, loco, mense, & anno quibus supra in principio calendatis, & recitatis, præsentibus ibidem, pro testibus Magnificis Gregorio Villanueva, & Hieronymo de Ibarra, Notarijs Regijs, & dictæ Curia Cæsaraugustæ habitatoribus ad præmissa, vocatis, rogatis, pariter, & assumptis, &c.

*SIG ✕ NV M mei Martini Ambrosij Melguizo
de Lara, domiciliati eius Civitatis Cæsaraugustæ,
aucto-*

authoritateque Regia per uniuersam terram, & dominationes Domini nostri Regis publicus Notarius, ac Regentis substituti Scribania Petri Francisci de Cuello Scriba princ. una ex Scribanijs Curia Domini Iustitia Aragonum, qui huiusmodi transumptum à suo originali registro actus communis, & emparamentum presentis Curia, & Scribania, anni millesimi quingentesimi octuagesimi septimi, ubi est originaliter scriptum, & continuarum extraxi, comprobavi, & meo solito signo signavi, approbo in mea signatura emmendata, ubi legitur ti jn, &c.

